

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
OPĆINSKI ŠTAB CIVILNE ZAŠTITE BOSANSKA KRUPA

Broj: ŠCZ-40-105/20
Bosanska Krupa, 21.3.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10), a u skladu sa Odlukom o proglašenju stanja prirodne nesreće uzrokovano pojavom korona virusom (COVID 19) na području općine Bosanska Krupa broj:06-40-21-12/20 od 17.3.2020. godine, Općinski štab civilne zaštite donosi:

N A R E D B U

I

Obustavlja se rad svih ugostiteljskih objekata za pripremanje i prodaju hrane i pića: restorana, pizzeria, slastičarni, čevabdžinica, nargila barova, caffè i bistro barova, klubova, diskoteka, rad kafića u sklopu benzinskih pumpi, kao i rad kazina i sportskih kladionica na području općine Bosanska Krupa, do daljnjeg.

Od ove Naredbe izuzimaju se oni ugostiteljski objekti koji se, pisanim putem prema Kriznom štabu Općine Bosanska Krupa, izjasne da će obavljati isključivo dostavu hrane, uz pridržavanje mjera zaštite i fizičkog razmaka prilikom dostavljanja hrane i pića, s tim da i dalje ne smiju služiti hranu i piće u objektu, niti primati goste u objekte pod uslovom da imaju važeće rješenje/odobrenje za rad izdato od strane nadležnog organa. Hotelima, hostelima, motelima i apartmanskim smještajima se dozvoljava prijem gostiju na noćenje uz obavezu dostavljanja podataka Ministarstvu zdravlja na adresu zdravstvo@vladausk.ba i Kantonalnoj upravi za inspekcijske poslove inspekcija@vladausk.ba, uz pojačanu primjenu higijenskih mjera i mjera dezinfekcije. Rok: Do daljnjeg.

II

Obustavlja se rad biblioteke i galerije na području općine Bosanska Krupa. Rok: Do daljnjeg.

III

Obustavlja se rad teretana, fitnes klubova, spa centara i slično na području općine Bosanska Krupa. Rok: Do daljnjeg.

IV

Otkazuje se i zabranjuje održavanje svih javnih skupova u općini Bosanska Krupa, kao i privatnih skupova, svadbi, proslava i drugih okupljanja, kako u organizaciji pravnih tako i fizičkih lica, na području općine Bosanska Krupa. Rok: Do daljnjeg.

V

Ograničava se radno vrijeme administracije na području općine Bosanska Krupa i rad se organizuje (uvodi) u vremenu od 8,00 do 13,00 sati.

Nalaže se javnim ustanovama i javnim preduzećima čiji je osnivač Općina Bosanska Krupa da sagledaju mogućnost skraćivanja radnog vremena i smanjivanja potrebnog broja uposlenika sa periodičnim rotiranjem, zbog redukcije međusobnih kontakata. Rok: Do daljnjeg.

VI

Obustavlja se rad svih frizerskih, kozmetičkih salona, drogerija, butika i ostalo.

Dozvoljava se rad trgovina osnovnim prehrambenim artiklima: supermarketima, hipermarketima, minimarketima, drogerijama, specijaliziranim trgovinama sa prehrambenim i higijenskim artiklima, trafikama, pekarama, apotekama, poljoprivrednim apotekama i trgovinama za hranu životinja, benzinskim pumpama (osim dijela za pružanje ugostiteljskih usluga), mesnicama, kioscima ili zatvorenim prodavnicama voća i povrća na području općine Bosanska Krupa.

Dozvoljava se rad trgovinama građevinskog materijala, trgovinama auto dijelova, te rad građevinskim firmama, mehaničarskim radnjama i sličnim servisnim djelatnostima, uz obavezne pojačane mjere zaštite uposlenika i kupaca uz pojačanu primjenu higijenskih mjera i mjera dezinfekcije, uz strogo ograničenje broja posjetilaca koji istovremeno mogu boraviti u prostoru (maksimalno 5 osoba).

Svim trgovinama sa dozvolom rada u ovim okolnostima, propisuje se obaveza zabrane grupisanja kupaca i označavanje na blagajnama i ulazima rastojanja među kupcima od najmanje dva metra, a rad se organizuje u vremenu od 8,00 do 18,00 sati. Iz organizovanog rada u vremenu od 8,00 do 18,00 sati izuzimaju se apoteke, pekare i benzinske pumpe (rad na benzinskim pumpama odnosi se na prodaju naftnih derivata i artikle u trgovini, osim dijela za pružanje ugostiteljskih usluga), a koji će nastaviti rad po svom ustaljenom radnom vremenu, uz pridržavanje gore naloženih higijenskih mjera i mjera dezinfekcije. Rok: Odmah.

VII

Zabranju je se svaki vid ulične prodaje, rad buvljih, sedmičnih pijaca, autopijaca i sličnih, kao i rad zelenih pijaca do daljnjeg. Rok: Odmah.

VIII

Nalaže se javnim ustanovama, javnim preduzećima, privrednim društvima, fizičkim i pravnim licima na području općine Bosanska Krupa da pojačaju provođenje općih i posebnih mjera zaštite stanovništva od zaraznih bolesti, sa posebnim naglaskom na pojačanu vanrednu dezinfekciju poslovnih površina, te postavljanje dozatora sa dezinficijensom ispred ulaza.

Nalaže se zabrana javnog prevoza (autobus, taxi vozila, kombi vozila) na području općine Bosanska Krupa. Rok: Do daljnjeg.

IX

Zabranjuje se okupljanje građana na javnim igralištima, igraonicama, parkovima i drugim javnim površinama na području općine Bosanska Krupa, u cilju zaštite zdravlja stanovništva, u skladu sa prisutnim epidemiološkim rizicima.

Zabranjuje se svako privatno okupljanje građana u periodu od 20,00 do 05,00 sati, te se preporučuje izbjegavanje svakog kretanja koje nije neophodno u navedenom periodu.

Rok: Do daljnjeg.

X

Zabranjuje se provođenje vjerskih obreda svim konfesijama na području općine Bosanska Krupa, a koje podrazumijevaju okupljanje većeg broja vjernika na jednom mjestu, do daljnjeg. Rok: Odmah.

XI

Zabranjuje se smještaj migranata u privatne smještajne jedinice, tj. individualne stambene objekte, stanovi i kuće. Zabranjuje se prevoz migranata svim prevoznim sredstvima na području općine Bosanska Krupa. Zabranjuje se ulazak migranata koji idu pješice na područje općine Bosanska Krupa. Rok: Odmah.

XII

Nalaže se, da se pored higijensko-epidemioloških službi Doma zdravlja, u kontrolu osoba kojima su izdata rješenja o samoizolaciji ili zdravstvenom nadzoru, uključi i Komunalni inspektor kojem će se od strane Općine Bosanska Krupa izdati odobrenje za sanitarni nadzor. Rok: Odmah.

XIII

Mole se svi građani da obavještavaju Krizni štab Općine Bosanska Krupa i Petu policijsku upravu Bosanska Krupa o poznatim kretanjima osoba kojima su izdata rješenja o kućnoj izolaciji u svojim mjesnim zajednicama.

Zadužuju se svi predstavnici etažnih vlasnika u zgradama da odmah, u saradnji sa upraviteljima poduzmu mjere pojačane dezinfekcije i čišćenja svih zajedničkih prostorija i površina. Rok: Odmah.

XIV

Prilikom ukopa umrlih Krizni štab preporučuje obavljanje obreda sa minimalnim brojem prisutnih (uži članovi porodice) uz pridržavanje mjera minimalnog socijalnog kontakta (bez fizičkog kontakta). Rok: Kontinuirano.

XV

Poslodavcima se preporučuje da prilikom organizacije posla, u skladu sa aktuelnom epidemiološkom situacijom, iskažu razumjevanja za osobe koje boluju od hroničnih bolesti koje za posljedicu imaju oslabljen imunitet, kao i za osobe koji su roditelji ili staratelji djece ili osoba sa posebnim potrebama.

Poslodavci trebaju radnicima dati upute za rad od kuće, ukoliko je to zbog prirode posla moguće, odnosno ukoliko to proces rada dozvoljava.

Poslodavci trebaju omogućiti korištenje godišnjeg odmora, radnicima preko 55 godina starosti i hroničnim bolesnicima, kao i korištenje odsustva u skladu sa zakonom, kolektivnim ugovorom ili pravilnikom o radu.

Poslodavci će radnicima, roditeljima malodobne djece do 10 godina i djece sa posebnim potrebama omogućiti odsustvo s posla jednog roditelja, u slučaju da oba rade ili ako je samohrani roditelj. Rok: Odmah.

Stupanjem na snagu ove Naredbe prestaje da važi Naredba Kriznog štaba Općine Bosanska Krupa broj: 01-40-2110/20 od 19.3.2020. godine.

Ova naredba stupa na snagu danom donošenja.

Dostaviti:

1. Web Općine Bosanska Krupa
2. Peta policijska uprava, Policijska stanica Bosanska Krupa,
3. Komunalni inspektor,
4. Trgovinama na području općine Bosanska Krupa
5. a/a

